

Carnaval mester bira accesible pa cartera di tur hende

ORANJESTAD(AAN):-

Den e informenan cu Comision Vision 2000 a entrega relaciona cu carnaval di Aruba, a wordo muestra tambe riba e caro cu carnaval a para bira pa esnan cu ta participa den carnaval den su totalidad.

E informenan a muestra riba e caro cu a bira pa participa den gruponan, den eleccionnan, y e caro cu material di disfraz a bira pa representacion di prinsnan y panchonan, pa reinanan y con caro musica a bira den carnaval.

A ser muestra riba e cargo financiero cu hopi participante no por carga mas y ta asuntonan pa un **"Management Team"** traha ariba.

Comercializacion hasta den actividadnan a pone cu falta di interes ta birando mas grandi y esaki ta un tendencia cu por bira fatal pa eleccionnan principalmente.

A bin dilanti necesidadnan pa estimulacion di juventud pa nan participacion den actividadnan carnavalesco, principalmente paradanan.

A indica tambe riba asunto di trailernan mira for di varios punto di bista, locual ta algo cu mester discuti profundamente y yega na solucionnan prome cu temporada 1998.

Asunto di musica den carnaval y pa parada y concursionan mester wordo discuti profundamente y e **"organizadornan"** mester percura pa traha profundamente riba esaki (di ASOMA a wordo ricibi na final di discusionnan y trahemento di e concepto di rapport pa gobierno, un

"Conseho ASOMA na bienestar di Carnaval" locual ta algo cu e organizadornan di Carnaval mester delibera ariba. **"Conseho ASOMA na bienestar di Carnaval a ser poni hunto cu e rapport"**)

Mester bini dialogonan cu gruponan y trata na solucionan nan problemanan mas pronto posible. SAC nunca a logra den esaki y **"e gruponan no kier dialogo cu SAC tampoco."**

A ser muestra riba e falta di

recuerdonan di carnaval, algo menciona na 1975 caba den e rapport di februari menciona.

Tin trabao pa wordo haci riba tereno di stimula lidernan y interesadonan pa

medio di workshopnan.

E falta di un **"Carnaval City"** of **"Carnaval Camps"** locual tambe a bin dilanti den conversacionnan y informenan entrega, mester discuti.

E trabaonan y reunionnan cu mester tuma lugar ta inmenso y ta na su lugar pa **"bini un restructuracion completo di Carnaval di Aruba y mas pronto posible"**.